



Aalisarnermut, Piniarnermut Nunalerinermullu  
Naalakkersuisoq

Ulloq: 24-11-2020  
J.nr.: 01.32.05-000nn

**Naalakkersuisut akissutaannut ulloq 16.10.2020-meersunut Kukkunersiuinermut Ataatsimiititaliap malitsitut apeqqtai**

Inuussutissarsiutigalugu aalisarnermi aalisarnermut akuersissutinik pisassiissutinillu tunniussisarnermik aqtsivigineqarnera pillugu kukkunersuisut nalunaarusiaannut Naalakkersuisut allakkiaat Kukkunersiuinermut Ataatsimiititaliamit misissorneqarpoq. Tamanna tunngavigalugu Kukkunersiuinermut Ataatsimiititaliap apeqqtunik imaattunik saqqummiussaqaassaaq:

Aqtsiviginninnermi toqqammavissat eqqortut nutartikkallu

Naalakkersuisoqarfimmi sulianik suliarinnittarnermut atugassanik najoqqutassianik suliaqarnissaq ingerlaavartumillu nutarterisarnissaq Kukkunersuisuunit kaammattuutigineqarpoq.

Tamatununga piffissaliussamut tunngatillugu Naalakkersuisunit oqaatigineqarpoq, 2022-mut pisassiissutinik akuersissutinillu tunniussinerit najoqqutassiat nutaat/nutarterneqarsimasut naapertorlugit suliarineqarumaartut.

- 1) Tamanna sioqqullugu piffissami qanoq pisoqarnissaa paasissutissiissutigeqqullugu Naalakkersuisut qinnuigineqarput.

Inatsisinik malittarisassanillu atuuttunik atuutsitsineq

Kukkunersuisuunit kaammattuutigineqarpoq Naalakkersuisoqarfiup susassaqarfiani inatsisit malittarisassallu atuuttut nalilersornissaat siunertaralugu kiisalu Naalakkersuisoqarfiup susassaqaarfiata avataani pitsaanngitsunik allanngortariaqartunillu atuuttoqarnerisut nalilersorniarlugu inatsisilerinikkut sulinermik aallartitsisoqarnissaa Naalakkersuisoqarfimmi pingaarnersiuinermi salliutinneqassasoq.

- 2) Ullumikkut inatsiseqarnerisut malittarisassaqaarnerisut atuutsinneqanngitsunik paasissutissiissutigeqqullugu Naalakkersuisut qinnuigineqarput.

Sulianik suliarinnittarnerit ingerlanneqartarnerannut allakkatigut uppernarsaatilik suliaqartarnek

Kukkunersuisuunit kaammattuutigineqarpoq Naalakkersuisoqarfik siunissami sulianik ingerlatsineq pillugu, suliamillu ingerlatsisup suliaq pillugu aalajangiinera pillugu uppernarsaasiortassasoq.

Tamatununga tunngatillugu Naalakkersuisut oqaatigaat maannamiit siumut isigisumik avataasiorluni aalisarnermi pisassiissutit agguataagaaneritut tunngavilersuutinik tamakkiisunik

imaqartumik ukiumoortumik allakkiortoqartalissasoq. Nangillutillu paasissutissiissutigalugu; avataasiorluni aalisarnermi tamanna maanna atuutereersoq, taamaattorli najoqqutassiat pillugit erseqqissaateqartoqaqqissasoq kiisalu atuutilersitsineq ingerlaannartumik sukateriffigineqassasoq.

3) Erseqqissaatiginninnerit atuutilersitsinerillu taaneqartut timitalerneqareerpat?

Sinerissamut qanittumi aalisarneq pillugu Naalackersuisut oqaatigaat, tamatumani akuersissummik qinnuteqarnermik suliat pillugit allakkiortoqartassasoq, itigartitsinernut/tunniussinernut atatillugu isumaliutit erseqqissumik ersersinneqartassallutik suleriaaserlu taanna najoqqutassianut ikkunneqassalluni.

- 4) Ima paasinninneq eqqortuua; Tassa akuersissummik qinnuteqarnernut tamanut atatillugu allakkianik suliaqartoqartalissasoq?
- 5) Tamanna 2021-p ingerlanerani atuutilersinneqassasoq oqaatigineqarpoq, taamak piffissaliineq piviusorsiorpa? Soorlu siusinnerusukkut pisinnaanngila?

Aammattaaq ataatsimiititaliamit maluginiarneqarpoq, Naalackersuisoqarfik akissuteqarsimasoq “tunngavilersukkamik akissuteqartarneq atuutilersimasoq”.

Atortussat kingusinnerpaamik ulloq 3.12.2020-mi tiguneqarnissaat ataatsimiititaliamit qinnutigineqarpoq.

Atortussat Kukkuersiuiernermit Ataatsimiititaliap allatseqarfianut mailimut uunga nassiunneqarsinnaapput: [stquo@inatsisartut.gl](mailto:stquo@inatsisartut.gl)

Inussiarnersumik inuulluaqqusillunga



Erik Jensen

Kukkuersiuiernermit ataatsimiititaliap Siulittaasua